

Балгъсиг болн райодин центрмүдиг моддудар кеерүлхмн

Коммунистическ партъ болн Советск правительств сад тәрлгънд берк ик оныган бгнә. Бәәдл-джиргъльн болн культури кемджәнн бәдлүлдсн советск оль-әмтид садмуд, паркс, сквермүд цань уга ик чинртә.

Мана хальмгин хагсу гань икәр болдг теетг сад тәрлгън чег үлү ик чинртә.

Урднь, кезәнә болхла, мана теетг сад бәйтхә, нам тәрән чигн ургъш уга гидж тоолц-хадг билә. Иим тоолвр хадж-гър бәәсиг мана күч-көлсчир нүдәрн узәд, гарарн бәрәд, медчкв.

Мана Хальмг таньгъчин теетг сад-мод делгү суулгъдж ургъадж болхиг СССР-н наук-син Академин Модна станцин Аршан-Зельменә мод тәрлгънә дамшлтин, Элистинск, Башантинск болн Садовск мехлесхозмудин көллмшин дамшлтс үзүлджәнә.

Сүл джилмүдт Элст эргнд, Башантад, Яшалтад болн нань чигн газрмудар тәрсн модд ондртән 3-4 метр болдж, сәәнәр ургъсн бәәнә.

Арднь орад, сәәнәр хәләдж асрхла, модн ургъшго газр гидж мана таньгъчд уга. Усн тату, гашувр газрта Яшкуль селәнд чигн модн ургъна. Черноземельск района центр-Комсомольскд му биш парк болн сквер кегдв.

Мана теетг кеерүлгддг модд болн зер-земш бгдг садмуд суулгъгдсн деерән, виноград ургъадг болв. Западн, Яшалтинск райодар болн нань чигн селәдәр виноградин ургъц икәр авцхаджана.

Коммунистическ партин килмджәр Хальмг таньгъч хәрү тосхгдсн учрар мана хотл Элстиг көкрүлдж кеерүлхд госуларств ганцхн нидн джил 216 миньгън арслнъ гаргъдж бглә: Балгъсна уульнцсар болн парксар 20-гар миньгън модн суулгъгдла. Элстин парк гәлнъгдән, Комсомольск, Гоза Люксембург болн нань чигн уульнцсар бндр, го сәәхн уласн модд зергдддж ургъцхав.

Эн хавр Элст балгъсна Ленинә проспектд сквер кегддж 1500 модн суулгъгдхмн, Элстин парксар, рошд болн сквермүдәр 10 миньгън модн тәр-гдхмн. 3 миньгъ гар мод балгъсна улс бийсиннъ гериннъ ббр суулгъхмн. Цецгс ургъа-хин эркд оранжерей ода кег-

дджәнә. Парксар болн сквермүдәр эн хавр кесг миньгън цецгс тәргдхмн.

Мод тәрдж ургъалгъна дамшлтин таьгъгъчин станц (мехлесхоз) РСФСР-н Министрмүдин Советин токтавр күцәддж, эн джил Элстиг эргүләд 2000 гектар газрт мод суулгъхмн. Тим кевәр мана хотл балгъсн—Элст көкрүлгдддж, кеерүлгдхмн. Эдү метәр райодин центрмүл, совхозмудин поселкс болн цуг селәд көкрүлгдх зөвтә.

Болв, эн элдв ик чинртә төрт партийн, советск, комсомольск, профсоюзн организацс оныган күцц эс бгцхәдг учрар, зәрм райодар, зәрм селәдәр модд тәрлгън муугъар кегднә, зәрмдән нам кегдх чигн биш.

Модд тәрлгън нидн джил Приютненск, Приозери болн Целинн райодар муугъар кегдлә. Элстин гурвн колхоз нам нег чигн мод суулгъцхасн уга. Эн ик дуту-дундиг болн эндүсиг эн джил чиклдж авх кергтә.

Приозери района „Ергенинский“ болн „Сухотинский“ совхозмудин газр сад тәрхд берк гидг зокаста сән газр, зуг тер совхозмудин гардачир сад тәрлгънә көллмшт оныган эс бгсн учрар, энүнд модн суулгъгдсн уга.

Мана орн-нутгт джилд хойр дакдж мод тәрлгън занъшал болад бәәсмн. Ода хаврар мод тәрх цаг болчкв. Эн хавр мод тәрхд сән, чиггтә хавр болджана.

Хаврар мод тәрлгъиг ахр цагин болзгт дуусх кергтә, тер учрар мод суулгъх нүкд урдаснъ белддж, суулгъх моддан эртәс зббдж авх кергтә.

Дакад суулгъчксн моддан сәәнәр хәләдж, асрдж, хашалдж авх кергтә. Мал орулад, тергәр, машигъяр, трактормудар дәврүләд модд үрәгъад бәәдг йовдлла берк чанъгъ кевәр ноолдх кергтә. Эн көдлмш цуг олна көдлмш, мана серлтә күн болгън, тәрсн модн болгънд оныг, килмджән бгх зөвтә. Партийн, профсоюзн, комсомольск болн пионерск организацс сад тәрлгънә көдлмшиг гардцхадж, тәрсн моддиг сәәнәр хәләдж асрхин тускар оль-әмти дунд цәәлгъвр кецхәх зөвтә.

Балгъсан болн селәд, поселкс болгъиг сәәхн модд тәрдж, кеерүлхмн.